

內江縣志卷之十四

藝文

國初楊張諸人著作介甲申前
後者今據原集編訂歲月列入

寄懷充西兵憲彭若封年兄

此下三首

場所修

長安已丑秋木葉霜風掃念我同門友飲餞東郊道
樽酒不重持別促何草草馬鳴東西馳逝川無湫潦
離合不可期滌浪寄萍草分手感少年惆悵盈懷抱
日月云逾邁燧火相稚老功名不及為勞人心如擣
詎傷松柏寒爭驕桃花好有客傳西充芊芊萬春種
疇日來荒阡行露無畏早吾道自千秋瓊光競所寶

內江縣志

卷之十四

藝文

一

努力崇明德馨華鑒蒼昊東山多巖石口碑銘灑灑
解我饑渴思寫我寤寐悵書言不盡意慎夏滌煩燥

攬鏡

忽驚鏡中人面目曾相晤憶同山厰來桃花開滿樹
風日能幾時僧磬散紅雨兩鬢帶梧桐疎葉垂霜露
答問無片言一笑當心吐

午夢

我有一張琴闌然掛禪室厰牖引涼風吹作山泉溢
入夢無驚濤比之松自逸覺來砌遶行蟬響晉殘日

遠望

山下四首

張明輔 州牧退隱

遙指飛去雁未知適誰門
日色寒烟沒千里風塵昏
古之傷心人此情難具論

種菜

旦起日未稀呼兒刈青草
去草滋菜根根肥菜逾好
泥中獨秀立時芳骨自老
晨光得炤耀暮雨半催倒
主人精種藝亭息寒不稿
苦味惟專饗清心寄真賞
新微宿腹澈脆美牙頰
响艱艱生理窄汙汙珍愛養
土膏育蕃滋風葉任俯仰

內江縣志

卷之十四

藝文

二

村中咏懷

有客號古山縈懷隱林杪
偏志獨高年少髮白早
冥語隣忘機苦思致顏稿
步步聽春嬌絮絮使心老
入門親愛疎奮筆塵懷繞
始欣若有得旋深復悄悄
逸才親滌器太倉糴米少
因爾困灰頹窮情無幽渺
何以慰吾事竹深光滴曉

田家

驅步過阡陌荆深人火稀
寨旁單老婦含泣數數啼
長男當徭役歲月不得歸
小男無食養採竹往山谿

米粟盡輸稅家惟菜療饑一馬到門廬怒氣色衝鬚
自稱將軍役殺人狼虎徒酒肉頃不至鞭撻尙其餘
不比府縣差板上數行書老嫗側倚壁寂寂怯引涕
訴言少推恕窮民困時勢前年虜未休今年兵未息
日日恐戰爭雞黍難存積軍差重苛求生死不能惜
軍差久動情惻焉知凄切云我在公門公門嚴督責
竭我四時求旦夕恣狼籍有遲便活斬身歷危亡際
十載離故鄉故鄉成澤泥耐心守爾苦向人止淚語
殷勤保餘生莫浪入城去

內江縣志

卷之十四

藝文

三

張貞女詩四十三韻

楊化元 郎中

鸞孤不雙栖鵠寡不匹處求之未亡人千百無四五
間氣所獨鍾卓哉清河女柔順本性成幽閒見舉止
及笄字延陵片言定交甫未吹彩鳳簫方繫赤繩縷
忽遭姑氏卒翁復遠遊阻煢煢失恃甥蹙蹙歸外父
貳室館終年一病弃塵宇夫生未識面夫歿哭神主
之死矢靡他天地鑒心膂母也不諒兒墜樓表肝腑
六時乞甦三秋病未愈豈無錦繡襦妾身愛襁褓豈
無金翠飾妾心厭華膺長齋繡佛前內典自訓詁痛

念堂上姑骨肉新歸土三月遺小郎失母誰爲乳兄
在弟有依兄亡嫂當撫襁負來母家嗣兄繼宗祖既
守未嫁節又撫有父暨十九使歸宗六年埋宿莽叔
命雖不延嫂力竭肱股繼而二親衰養女女心慚豈
無伯與仲拮据各門戶再拜啟膝前女力尙可勞夜
火接晨霜札札響機杼一日一匹帛兩日一匹紵朝
饔與夕餐粒粒出勤苦集蓼不知辛茹荼甘若脯屈
指歷艱難不知幾寒暑二親終終天翁命遠迎取行
行嘉定縣望望南陽府夫魂妾身附夫柩妾身拊萬
里扶持來相依若車輔待字四十年始入吳門庶五
十六歲婦方親奉筐篚白頭整婦儀拜翁泪如雨卓
哉金石操彰彰美如許今昔所罕聞朝野嘆希賂芳
型挽頽風於世豈小補 恩褒下九霄光耀照環堵
煌煌貞女名青史垂萬古

西宮怨

楊

桐

知縣贈
中憲

生叨貴戚末隨母親昭陽綽約本殊衆况兼閨訓長
因選良家子後宮充媵嫡屢舞披香殿無福與椒房
委身奉箕帚辛勤食不遑自矜冰雪質僥倖感君王

監宮一何毒羅織盈萬方賴有妝閣伴調護免死傷
待罪永巷中觸目動淒涼離家四千里天際徒遙望
深念怙恃恩夢繞松楸旁兄弟音書斷何時序雁行
未酬生女願切切發心狂欲效晨風翼奮飛返故鄉
故鄉苦零落搔首問穹蒼翻羨東阡婦思媚樂耕桑
讀孫氏家乘有孫昌齡之妻張宜人值戊寅之冬

寧晉陷投井死之事

此下二首

楊所修

嗟我身寄離亂日掃迹愁爲貞烈詩桑梓夢魂痛不
定筆未飲墨淚先垂心之憂矣聊行國徙倚廣寧村

內江縣志

卷之四

藝文

五

雲黑歸讀乘載張宜人浩氣如生提惻惻三百年來
詩書身支干刳成風雨辰節矢無慚男子志肯令千
秋笑婦人寧死落井泥無生逐車塵塵車風不止泥
井波不起平時三復烈女詞生義取舍辨於此金佩
貞骨天地私玉琢文心鬼神知日月明晦關賢蔽一
譎一笑得欺誰君不見古有待徵之妻死於水李華
賦節豈由已文與江南鄒氏傳薊北後死孫爲紀

憶中園

成都城外二里許
有中園籓莊也

蜀國桐封三百秋土貢五色開梁州華陽松栢臥龍

井中園寶玉金沙頭年年春光推上巳三十州縣誇
錦里駿馬雕鞍約三千一夜行空驟雲至雲至霧曉
梨花開雪屏梅帳簇莓苔江亭妓酒絃歌雜闐闐綺
錯少城隈中有一匹兩匹龍蹄生雲霧掃春風千手
萬手齊拍采天馬不與凡馬同幾見三月有十五江
水長流山月空記得辛酉尙留盛澗瀾錦水百花映
鎖江橋畔近千家家家叢竹醉賢聖醉述賽馬抵掌
談同口龍媒無二三哭遭匪茹奢爲賊錦關花竹痛
江南江南花竹推有蜀滄浪歌聽浣溪淥別今離亂

內江縣志

卷之南

藝文

六

三十年腸斷荒烟遙躑躅君不聞甲申以後張逆成
都更慘傷人無子遺土無粟沃野千里草迷天海川
夢歸魂不足客萍莫聚三月三新月入杯誰忍酣春
去又來五月五冬夜鄉愁夏日補

七夕放歌

楊

棧

進士知縣

炎炎火繖沉西岳涓涓新月來東方快哉好風滿襟
裏明星四壁燈輝煌吾儕對此不行樂得不孟浪孤
秋光金盤進饌蒟醬美玉壺瀉酒松脂香與君縱飲
若渴驥起舞聽我歌慨忼縱得百年日沉醉不過三

萬六千場腰金佩玉草頭露何用行嘆復坐傷君不
見漢朝勲威最貴盛珥貂七葉誇金張榮華過去一
飛鳥纍纍邱隴行牛羊我愛李謫仙一生好飲兼佯
狂酒酣應召賦詩句至尊親手調羹湯清平三閔照
天地歷年已久逾光芒復愛陶彭澤處世頗識行與
藏折腰肯爲五斗米棄官不待三徑荒賦詩飲酒摠
天地此中真味人誰詳東軒容膝足寄傲爲晉處士
終柴桑兩賢所處各一轍要知曠達非荒唐嗚呼古
人不可作一杯那得澆枯腸當前有酒不痛飲身後

內江縣志

卷之十四

藝文

七

浮名安足償

大風謠

此下二首

楊化元

大風逢逢天色昏陰雲推轉扶桑暎田疇萬頃禾盡
偃老樹亦拔千年根五羊城外小民戶捲茹摧棟不
可數十家九家掩面啼訴向封姨姨反怒江頭破浪
如山高龍潭老龍眠不牢大船小船折桅舵舟中人
命輕於毛君不見五羊城中賈人子重簾百尺高樓
裡金壺酒膩夜宴深綉被香濃曉慵起流蘇甲帳吹
不開行雲重上荆王臺

田家詞

張祖詠

四月積澇麥無秋九月淫雨豆歉收朝饔夕餐豈暇
憂官糧私債何以酬去年逋賦賣牛抵今年災疫牛
盡死私債年年尚可以官糧火急輪追比三日一鞭
五日笞血流被足無完肌公差到門酒飯遲叫呶怒
詈聲如雷農夫椎胸農娘泣東隣西隣走商策扣門
稱貸言辭拙依舊歸來懸磬室嬌兒愛女惜不得送
去官媒論價直

戊申十月都城感賦

談中經 翰林待詔

內江縣志

卷之十四

藝文

八

燕臺西望愁心目鄉關地遠無能縮憶昔辭親賦遠
遊擬向銓曹竊微祿同人天驥各騰驤偏我轅駒悲
跼促銅章墨綬旣無緣依然曩日師儒服世事自來
蕉鹿夢此生何用筮龜卜當年待詔金馬門東方先
生親割肉譎諫武皇雜詼諧調笑枚馬恣炙轂可憐
索米向長安臣饑欲飽侏儒粟古來賢達尙如斯何
况區區本庸碌京都貴人爭豪奢優伶樂伎家養畜
九衢駿馬鬪連錢六市輪蹄互馳逐貉裘狐腋誇輕
煖象白駝峰充口腹冷官閉戶如蝸廬薪桂米珠惟

食粥夜來忽夢返家園吉光瑞氣滿堂屋云是老人
懸弧期梓里父老咸慶祝錦屏繡幃書金字笙歌鼎
沸奏新曲更有絳幃舊生徒各携禮儀來不速我時
入門拜堂下倒地擎拳晉醴醪一一座間謝賓朋半
是居鄰半親族嚴親鶴髮坐上方亦頰笑顏溫可掬
畫燭輝煌燦星斗珍饌堆筵羅水陸喜極驀然翻驚
覺仍然客邸孤燈宿因思吾父八十二五經紛綸教
鄉塾誨子課孫俱成名一生勤劬終守樸昨日鄉人
付書來猶道阿翁顏如玉已過飛熊釣渭姜差隨濟

內江縣志

卷之十四

藝文

九

南授書伏我今脩員羈詞林微官雞肋非所欲無力
迎養奉板輿別緒離腸如轉軸別無長物堪寄呈聊
作新詩介景福但願吾父壽期願菽水承歡志亦足
江山如此未歸山此語聞之蘇玉局白雲在天親在
蜀安得凌空騎黃鵠

歲丁丑季秋余以順天教授別與郡守同鄉姚南瞻
丙子余應滇聘過貴陽公爲司李同考於黔

此下
三首

楊所修

客夢生黔地鄉懷別楚天把杯遲一刻分袂失三年

筆墨酬知己風塵愧渴賢蒹葭秋水日佇立自潸然
荊州道中

山水癡情處塵沙苦亦權莫春燕柳綠白日荊門寒
野草攢荒塚征車度險岼孤城深夜坐殘月聽風湍
憶慎修敬修兩弟

烽火家書隔孤舟姜被寒幾時五畝樂差敵萬鍾安
詩興杯中月琴鳴澗底湍看雲眠白晝能那杜眉攢

客亭

此下二首

黃開運進士
郎中

長日客亭靜高槐覆地茵柳花隨意著檐鵲自爲諄

內江縣志

卷之四

藝文

十

有酒供游事無山問主人彈琴清興足選石縱夷蹲
謝友人劉練溪送鶴

我友懷江浦寥寥滿白萍海風吹野店淮水走潮星
爲惜迷槎客因教省鶴翎孤山清興足感此對閒庭

書懷

吳允震舉人

人生天地事貧賤不須愁萬里惟身在千秋一劍遊
詩書懷朽骨日月付滄流高視荒原外賢應讓水鷗

贈漁父

楊 棫

不踏軟紅塵扁舟寄此身江湖雙短鬢天地一閒人

換酒穿紅鯉調羹紫萼醉來歌一曲流韻滿青蘋

鎖鍊灘

此下三首

楊楠知縣

鎖鍊灘何迴懸流勢建瓴峽中喧鼓角地下走雷霆

進步千篙力驚魂兩鬢星回頭欣過險一笑對雲屏

急灘

急灘長二里客路倍孤栖白浪何時息青猿不住啼

雲開山寺迴草合戍樓低跼跼飛鷲墮依稀過五溪

峽轉

峽轉逢荒堠舟停帶古查輕雷收細雨遠水落明霞

內江縣志

卷之十四

藝文

士

紅蓼賣魚市青旗沽酒家船頭好斟酌新月映蘆花

舟過平樂登壽佛閣贈雪丁上人

楊化元

飛閣臨無地危欄俯象竒江光秋雨後山色夕陽時

仙籟風千壑禪心月一池已公茶話好隸路晚何辭

咏馬

此下二首

吳允謙

觀察

憐爾天閑物胡爲溷此槽世方輕骨格人競賞皮毛

戀豆心應耻衝鋒興尙豪誰能加剪拂自可佐功勞

冬草

蕭條天地意枯槁復何傷漫笑因霜白猶然映日黃

縱衰無腐氣雖萎有餘香
留得靈根在陽和生趣長
珠江夜月

楊 注 知縣

好是珠江月清光散暮秋
遠鐘山外寺寒笛水邊樓
影落高天雁燈移兩岸舟
催人思思起何處動吳謳

重訪滕王閣有感

楊 桐

昔憇滕王閣今來倍黯然
河山仍舊迹風景異初年
雨憶珠簾散雲悲畫棟旋
子安空有賦惟聽水潺湲
石鐘山

楊化貞舉人

山以石鐘名噌吰自有聲
檣經絕壁短鷗泛晚潮
輕

內江縣志

卷之十四

藝文

三

估客愁風起高人愛月明
坡仙留記後觸景動幽情

和佟琅園寅長雨後有感原韻

此下二首 楊 桐

雨寒綠麥秀積煥迥然消
與翼周重嶺青蔥溥萬梢
勞心永暑切鼓腹化疆遙
課最膺殊眷攀轅及牧樵
感孫宛涓寅長補選枉道見訪

輕薄何堪道高懷迥率真
曩時鞅掌共今日着鞭新
淪落悲窮谷飛騰羨要津
知君車笠重臨別淚沾巾
人日邀山中親友快聚

何思華 通判退隱

容膝可爲家春明樂歲華
親朋情義篤主客笑談嘉

村酒頗堪醉園蔬不用賒桃源何足羨此地偏烟霞
遊資聖寺

周然邑令

披棘層階上古寺白雲齊得氣龍歸海安禪虎伏溪
千巖參妙相普渡現菩提憑眺恣遊屐寒林日已西

山中寄同縣親友

時張適西喻塗男蕭鄴陽郭表銘
王慕吉楊繩麗吳用吉皆官長安

此下七首

楊所修

秋山楊子之行徑有似荒湖泊野舩開眼便多星斗
氣渾身却盡草螢烟晴天寫竹兩三幅清夜彈琴五
七絃判日長安親友聚醒時詞笑醉時眠

內江縣志

卷之四

藝文

三

復居慈雲庵

清江客榻老僧鄰掃盡千年數斛塵此後得空爲佛
子從前如夢是官身開蓮不怯泥汚入種秫那堪帶
束頻未卜君平應已定漁郎何必誌桃津

萬蓉石召飲署新亭同湯右君次韻

誰容我輩不羈人白眼看他懶問津一代風流推晉
韻百年談笑臥羲身黃金白雪懷心許古柳今亭憶
脚春不速客來三飲月醉醒皆獨寄新陳

贈同鄉胡將軍

今晤將軍桑與梓以言相贈得諄諄家園旣痛皆離
亂壘壁能安有喪貧殺賊固須長毒手匡王多賴大
慈人封侯自分男兒事師律還推長子尊
清江浦別湯孝廉右君

關山難越故人難亂後重逢明月團携手河梁鳴蟋
蟀論心詩句儼琅玕向來日月移雙鬢何事塵沙寄
一官周蝶勃萍無夢覺卜居燈夜泣南冠

客居

萍踪出處多留滯薊北江南獨異鄉棋局無心爭白

內江縣志

卷之十四

藝文

十四

黑琴絃有指辨宮商少年花月同殘夢故國山川入
夕陽那得酒闌人散後羈臣萬里不增傷

寄懷鳳瞻柳中丞年兄

萬里孤舟風雨寒海帆破浪入長安懷人塞月燕山
遠羈客關雲蜀道難同譜弟兄離亂跡異鄉音信有
無端何時劍閣烽烟靜携手凌虹穩釣灘

同彭封若黃白雲赴太史胡菊潭年兄召飲

此下十首

楊所修

文章友道自神明何異滄桑舊譜盟得與斯文天後

死歸裁吾黨孔先生十年痛飲心仍醉一夜離愁鬢
似瑩不速三人來宴會同輪月影入江城
和王偉叔感懷之作

何嗟及矣興無餘忽憶家園遠別初一日江陵三峽
水十年烽火萬金書江南妻子愁鹽米薊北衣冠逐
馬車時得東山王韻士新詩啟我頗懷舒

苦雨

鼓角聲悲苦雨綿那堪雙眼對心燃孝陵夜入三更
雨羈旅春寒二月天幾處關山飄朔雪何時戎馬落

內江縣志

卷之四

藝文

五

烽烟家園信息滄江上腸斷登樓王粲篇

高二洲年兄召飲

肅肅竹風吹夜長主人買酒續燈光偶然話到家曾
破不覺吞聲淚數行萬里雲山羈客夢幾邨鑼鼓逐
年芳孤臣國事憂同杞能采民情達帝聞

泊朱家嘴

開船帶月石城東浪滾江豚忽拜颺船雨淅淅陪淨
侶岸烟縷縷卜漁翁鄉談少辨多吳土村酒無濃有
古風早悟行藏何泊處那堪滿地一飄蓬

冷心芬至長安

日月遄征若個忙不先不後渡滄桑古民舍我無三
疾吾黨逢君得一狂話舊餅盈燈照酒懷歸床臥月
疑霜升沉欲問君平卜痛酷成都久草荒
贈別范端然

離亂重逢得幾朝更堪携手別河橋宦情千里清樽
盡歸計頻年白髮饒易水寒深秋塞雁黃河岸渡夕
陽輶萍踪到處峨眉月命駕相思可夢招
報國寺松次了凡韻

內江縣志

卷之十四

藝文

六

周蝶遽遽東復東南朝古寺北喬松敢同塵躅驕秦
爵忍冒仙名亂漢功怡蕩蕭蕭莊老吏和清蕭蕭惠
夷風不堪憑弔重回首霧滿西山日正矇

王石卿遠訪

故人相訪雪霏霏臥閣春深坐夕暉出口寒溫音未
改開顏壯老面多違北邙沙渡行人暮下雉銀山蕨
草肥同待江南尋住脚樽前且醉莫言歸

鳳陽鐘鼓樓登望

鐘鼓樓上凭欄望滿目雲嵐薄素秋星斗凌臺叢影

亂薜蘿封寺野烟浮參天松柏開樵斧臥塚麒麟隱
牧牛淮泗會流南入海滔滔隱几付滄洲

次和姚十九宛亭下第將歸楨州柴楊化元

我雖淪落豈無因君被儒冠也悞身霜氣故寒無酒

夜虫聲偏鬧有愁人卞和泣後休尤楚季子歸來莫

罪秦且載筆床茶社去櫪頭舡上靜垂綸

有懷遠亭

之子詩歌妙體裁七年唱和喜相陪舟從黃木灣邊

去書自紅梅驛裏來昨夜夢君仍握手何時携酒共

內江縣志

卷之十四

藝文

七

登臺薊門風雪吳門月一種離腸兩地迴

懶從

楊化元知縣

懶從蝸角論輸贏擬約浮邱把袂行蓬島有山皆樂

土塵寰無地不愁城爭傳海近瓜洲嘯復恐天從杞

國傾聞道西羌猶未格何人感激請長纓

漢上旅懷雜感用木陵李良哉次太湖魯亮儕先生

趣陶園詩原韻

此詩三十首帙狹不能盡載

楊化元

食力真慚孺子鴻浪携鉛槧走西東少思射虎除鄉

患老媿歌魚負此躬白屋自無金穴富青雲原有玉

梯通可憐五十雙蓬鬢禾策清時尺寸功

其一

年來百事意叅差結習難除尙咏詩白髮有情生特
早黃金無福變猶遲頗聞鬼笑公何妄詎有人誇叔
不痴但使南窻容我膝儘憑廣廈傲茅茨

其四

殘年仍是未歸人鸚鵡洲邊草漸春有恨特揮千古
淚無傳真媿百年身虎鬚自昔稱難捋龍性從來不
易馴肯爲饑寒消氣慨蒼髯如戟胆如輪

其十一

貧賤依然面目存濫竽真媿立齊門固知羽翮衰當
奮爭奈頭顱壯已髡耻向華筵分剩炙肯從熱釜借

內江縣志

卷之十四

藝文

六

餘温顛愚自問難諧俗不是孤高妄自尊

其十三

彳亍行吟鄂渚切不勝牢落向西郊尊鱸夢冷吳淞
水橘柚霜寒楚岫包絕米那堪饑僕怨賣文寧免俗
人嘲羨他老圃能豐足米有長腰菜有巢

其十七

勞勞亭上嘆勞勞剖面風吹鬢雪騷野老正思天雨
粟書生方歎紙生毛艱難薪米同珠桂貧賤文章等
粕糟富貴不來吾老矣鬚眉羞照水三篙

其十八

衡門亦自有生涯只在他鄉感歲華求友幾曾逢國
士尋源安得泛仙查眼中難見金同土世外空聞米

變砂金石文章無用處江淹那要筆生花

其二十

從他獲鹿與亡羊得失都忘較短長飲學劉伶期入座詩摹杜甫巽升堂窮心能忍堅如鉄老性難移辣過薑貢禹彈冠吾自懶故人原不少王陽

其二十一

何時水北與山南拄杖逍遙得縱探不向葛洪分煉室定從彌勒借彈龕烟霞痼疾猶難療霖雨蒼生豈易談遠媿范公藿粥日早將天下一肩擔

其二十八

此心久矣似波恬却笑羅公更鍛鉗鳳有德輝終惜隱龍無雲雨只宜潛何人解信隨夷惠自古曾稱跖

內江縣志

卷之四

藝文

九

躋廉世事固然奚足怪且傾醇酎似膠黏

其二十九

獨坐漫成

楊 栻

唧唧寒螿鬧枕屏官齋獨剪一燈青愁來亂似絲難理事往渾如酒易醒點鬢新霜欺夜雪關心舊雨感晨星西風更爲吹黃落耳畔蕭蕭不忍聽

偶成

楊 楠

門無剝啄室無塵木榻蒲團好寄身數片石堆中岳勢一枝梅點小堂春新詩偶做蘇黃格舊帖閒臨魏晉人安得百年如此過舉家食粥敢言貧

二月晦日送葉大冠山還瀾

楊化元

纔合珠江兩葉萍又從香浦送疎舫
節逢上巳前三日人立春風第一
亭帆似去鴻飛更急愁如別酒醉
難醒定知此後相思苦潘鬢應添
鏡裏星

金陵懷古

楊 棡

捫蘿直上最高臺放眼披襟酒百杯
萬古長江天設險六朝大夢劫餘
灰歛殘玉樹人何去巷失烏衣燕
自來贏得江南一篇賦千秋獨擅
子山才

放船

此下一首

楊化元

內江縣志

卷之十四

藝文

三

碧溥亭下片帆移遙指晴川天一涯
最怕山名呼大

別劇憐江水號相思

相思江在桂林

飄雲萬里楊朱淚搖落

三秋宋玉悲正是鄉園好時節黃
花堪把蟹堪持

由漢邸渡江登黃鶴樓

紅簾抵得酒雙瓶勝地重過鬢已
星漢水有情迎權綠楚山無恙接
天青千年去崔隸何晚一枕遊仙
夢未醒不見陶公舊栽柳幾株枯
棗傍空亭

漂母祠

王子宣

知縣

誰識英雄在路氛獨憐慧眼有青
裙千金豈望王孫

報一飯聊成大將勲高義至今傳漢史遺祠終古對
淮濱行人下馬斜陽裏獨酌椒漿薦渚芹

閒咏空谷幽蘭

楊化亨

自喜孤根冷處宜幽芬那要熱人知己甘空谷期終
古不與群芳鬪一時采去免教遺鄭女紉來惟許乞
湘纍栽培豈少繁華地位置當門恐蹈危

遊匡廬

此下一首

吳

嵩

進士
知縣

岩巉山勢挿青霄萬折千盤覓徑遙回望雲封成海
市忽聆松響類江湖陰崖結宇僧方定古木營巢雀

內江縣志

卷之十四

藝文

三

自驕更羨紅泉天半落披襟對此滌煩囂

泊小孤山候風

江漢朝宗至此同一峰高峙亂流中涵虛直訝帆來
小聳秀惟餘雁過空古殿重重經雨綠竒葩歷歷逗
霜紅可憐孤客扁舟裏薄暮猶希破壘風

寫懷步佟寅長韻

楊桐

微祿曾邀何故貧今生遭際悟前身起居信理非求
異飲食隨緣不慕珍小檻松花皆樂境高明唱和摠
良辰眼看金紫須由命笑着荷衣可代紳

六年被謫此淹留話道饗餐頗繫憂顛沛陶潛甘學
稼飄零王粲漫登樓困棲隴右真何咎望斷江南又
及秋倘獲金雞朝夕下脫身泉石敢多求

寄懷王慕吉窓兄時居丹陽係舊令處

楊所修

丹陽王子喬勵志抗青霄我憶玉溪竹君懷棹木橋
行藏千古定寤寐一身遙空洒新亭淚江山感寂寥

其二

吾友雖流寓湖山舊主人依然京口月照帶秣陵春
弔古添詩料懷鄉遠市塵只愁泉石義垂釣未終綸

內江縣志

卷之十四

藝文

三

時荐流寓人才

寄懷

何思華

憂思千行摠不成愁聽鳥語弄春聲
餘未起心先掛夢裏微知淚自盈
開目紛如垓下卒鎖眉堅似墨
陽城蕭然旅色何堪問數數頻勞未已情

霜樹

趙

珣

鄉宦退隱

幾樹蕭森自列行飄零相守善能藏
烟迷瘦葉懷春雨枝掛枯崖怯曉
霜池館青榮今去盡簾櫳風月尙
來長最憐此物關何事未有人情不
斷腸

其二

飛搖一片走樓前似報陽和已復還正是青芽隨露
長豈徒黃葉任風前殷勤護惜修柯質蚤待聲啼夢
夜寒試看雨餘晴色潤遲遲日影過溪灣

署中傷春

張明輔

孤飲天寒酒力輕蛾眉春色映春城遠山難去尋花
柳啼鳥時來伴雨晴小閣曲池僮鴨懶暖雲香幌霧
烟生坐思亂絮飄紅到何處高樓夢裏驚

寫竹

此下三首

楊所修

內江縣志

卷之十四

藝文

三

住山人少說山多何日輕雲舊薜蘿昨夜家園無恙
竹幾竿風雨夢中過

元旦

不貼門神不掛錢一壺雪酒七水絃南華開卷成三
友忘却人間新舊年

寫竹贈無易先生

成都井甸古南京錦水金沙多棊竹客夢鄉山到草
堂覺來追寫浣花澳

歸棹

此下三首

楊桐

兩岸蘆花盡白頭霜風颯颯阻行舟
家人未識萍踪苦猶說洪都是壯遊

題杜元露山水古畫二色

山空木露雪漫漫古寺常關白晝寒
獨有幽人心性別危橋策蹇覓梅看

林木蕭疎映碧山茅齋跨澗水潺湲
倚牕獨坐羲皇客別有高風不可攀

題王麓臺少司豐畫

此下二首

楊化元

歸思空教放白鷗君恩未忍老臣還
只將供奉年

內江縣志

卷之十四

藝文

三

年筆寫出江南箇箇山

小石樓夜話次宛亭韻

相逢莫說我何堪小石樓中且笑談
紅燭一枝人兩箇不知身在嶺雲南

畝舞岡

此下三首

王于菴

推官

一自降王走傅車井岡臺榭摠成虛
祇餘畝舞當年月長照珠娘唱摸魚

客夜

臥看橫窗月影低擣衣聲接屋東西
羈人要作還家

夢盼附寒鴉莫早啼

自題種菜圖

無田那許帶經鋤聊寄生涯向圃蔬舍下清溪剛一曲儘供澆灌不穿渠

秋夜聞琵琶

二首

王儻

一庭寒月破寒烟秋葉秋虫蕭瑟天正是客愁無遣處何人更拂四條絃

絲中言語淒清甚字字分明怨別離牆外有人聽不得莫教彈到夜深時

內江縣志

卷之十四

藝文

三

題許蒼嵐使君畫芭蕉

楊懋

學正

繪事還推許樂昌不惟佳句擅詞場分明幾筆芭蕉

葉生得炎州五月涼

安仁縣雨泊

此下二首

吳芳齡

知縣任州

荒涼小邑枕江臯官路人稀草沒橋九朵芙蓉青不見鷓鴣聲裏雨瀟瀟

舟抵弋陽

八幅蒲帆快意張閑支孤枕臥滄浪竹雞啼破幽人夢一路看山到弋陽

江閣晚眺

此下二首

何顯祖

餘霞散綺水鋪羅寫出江天暮景多何處倚樓人不
見一聲殘笛隔烟波

古劍

苦被泥沙剝蝕先斬鯨截鱷舊鋒殘何人識是千金
寶只與鉛刀一例看

杭州

此下三首

喻宏林

知縣

杭州豈獨勝姑蘇山水從來天下無六幅蒲帆一枝
槳年年春夢到西湖

內江縣志

卷之十四

藝文

三

博浪錐

兵器留藏族便夷當年秦法酷如斯緣何收盡人間
錢猶剩沙邱力士錐

舟過元寶岳

路近螺巖眼界新撐天一壁石嶙峋虛名枉自呼元
寶曾濟蒼生幾許貧

遊西林寺

二首

楊化貞

翠微深處寺門開石磴行稀綉紫苔不是鐘聲天半
落何人知上上方來

一箇蒲團七尺牀高僧久與世相忘白雲猶管人閒事飛去前峰送雨忙

晚歸西邨

楊 棻

扁舟乘夜歸鷓鴣入昏暗隱隱認邨中秋林一燈淡

古鏡

此下二首

喻宏猷同知

寶鏡何年鑄清光自古浮不知明月裏照白幾人頭

望白雲山口况

雲影一樓間山光盡日閒三年樓上客看煞白雲山

子夜變歌

三首

楊化元

內江縣志

卷之十四

藝文

七

葉落不上樹雨落不上天恩情一朝斷那復更纏綿
郎情荷上珠妾情藕中絲荷珠易傾覆藕絲無斷時
好花不長艷好月不長滿安得儂與歡恩情不中斷

枕上口占

楊 梓

西風太有情吹葉一林鳴不是床前月都疑是雨聲

春日望遠有懷

此下二首

張明烈教諭

獨懷誰作伴接物遂為親楊柳亦知苦低頭不看人

雨夜飲

傷心數滴雨雄心一杯春百戶凋零盡秋風豈怨人

小樓卽事

呼奴去看月歸來報有雪垂醉推門開朦朧一片白

壽同里黃天文先輩

黃時任中山牧名開運

楊桐

漢安託跡比桑麻閩閩惟君姓字嘉獻賦當年推錦

里鳴琴此口動金華及門桃李梁公室遠滕星龍荀

子家昔隔江東相慕切而今聊奉棗如瓜

贈劉裕原

漢昌封翁

縣令顧文曜如圃

中江推望族勝地著名賢綺歲聲如鳳雄才品似仙

簪纓情早淡華黍戀由專養志椿庭慰茹茶梓里傳

內江縣志

卷之十四

藝文

三

家期敦孝弟身敢謝胼胝燕補空梁壘鄰依並含烟

銜來環是雀贈處麥兼船榮到田真樹春生子敬羶

萊階心共樂姜被愛同眠為善天能格分財福倍全

鄉旌通德比案喜孟光聯蘭砌鱣呈瑞桐枝鵲起翩

一堂欣聚順二老未華顛競進期頤頌嘗持抑戒篇

探奇猶載酒問字喜隨肩斗極芝雲煥從知第祿駢

留別漢安父老

署縣事葉樹東雲勝

二三堆峯外水環流父老慇懃慰餞稠官縱愛民當畏

法事能返已始無尤起家都在勤中得退步還從寬

處求莫負當前賢令尹好將三異報中牟

題白愚菴承歡草堂詩集

以下九首

艾隲琮 樂村邑人

愚菴本孝子不僅為詩人我讀草堂集風詩無此真
古人重色笑厥孝惟其純君詩首及此所以醇乎醇
不觀三百內陟屺徒哀呻即彼采蘭者糟粕同敷陳
異哉老萊子戲綵娛昏晨遂令萬萬世艷傳無等倫
天涯盡人子僕僕胡風塵讀此應感惻誰忘春暉春
范學博小照

先生生長東吳東溟波震蕩涵育中有時嘯咏抒天

內江縣志

卷之十四

藝文

三十九

籟笑煞俗耳多癡聾風骨嶙嶙負倜儻披圖訝作林
泉像置身宛在廉讓閒抗志欲到羲皇上蚊雷蛙鼓
鳴朝昏合將水樂吟清魂笑我隨餐折腰米無暇同
開澆壘樽宦興邇來猶落拓一官暫振荒城鐸囊底
雖無買酒錢堂前定有銜鱣雀四海窮黎望澤殷
九重典冊需高文請君急削三千牘莫戀山中一隴雲

巫峽絕句

錄三首

一聲搖破碧雲寒兩岸青螺白石攢造物不奇人不
怕瞿唐天在井中看

元處人如虎負蝸龍蛇盤踞老藤枯奔流瀑布三千丈
夢裏廬山得似無

千古銀盤石壁橫無論窮魄與哉生蘆花照水開如
雪知是花明是月明

荔支園野泊聞笛

隔岸一聲笛春江萬斛愁不知今夜裏有夢到家不
煮茗候陽老吟詩嘲舌柔直須論儻蕩野馬脫羈鞅
除夜真書峽與陰可峯鄒淑軒兩孝廉度歲

爲惜今年別蓬廬話此宵美人香水冷歸夢蜀山遙

內江縣志

卷之十四

藝文

三

雪點驚鷺鳴人聲譁雉梟楚囚須莫學醒眼賀三朝

劉太僕祠

公諱時敏蜀仁壽人明奇令吳江有賢聲
贈太僕寺卿士人爲立生祠于平望東鎮

去國同憐歲月賒祠堂瞻拜雨如麻一湖風月饒鶯

脰萬井村烟錯犬牙舊德漫憑碑是口知公原以宦

爲家椒蘅欲薦重嘅息古寺寒鐘咽水涯

擬之任蒲江留別汪詠泉太史

上遍東南宦海船行趨雲棧又登天經明白蠟慙今

日約負青出已十年萬卷擁歸寒士富一官叨受

聖息偏投閑未遽攀持要忝附蓬瀛作散仙

內江道中

卓秉恬

文物聲名聚此間
累朝芳躅費追攀
我來訪古增憑吊
踏遍嶽嵴歷落山

旅館登樓

卓秉恬

手拓西窗日影偏
鱗鱗比屋倚山巔
到來合有登樓興
不見詩人王仲宣

乙酉十一月二十四日奉懷王六泉同年卓秉恬
間裏能安自在身
歸田久矣息風塵
書生才氣英雄膽
可惜林泉老此人

內江縣志

卷之十四

藝文

三

晚渡黃天蕩

晏思塏

扶桑日出天門開
金鳥飛下瓊瑤臺
千山萬水一時碧
茫茫大地生紅埃
長風蒲得江山助
殘月西行天欲曙
片帆如劍插江來
割取江雲渡江去

登燕子磯絕頂

晏思塏

六朝王氣剩繁華
燕子飄零何處家
勝地從來多劫運
才人自古愛名花
紛紛往事勞青史
滾滾長江走白沙
賸得殘陽衰草外
老僧指點說宮鴉

登太白樓懷古

熊飛邑人

白兮白兮仙之偶能詩能文更能酒有時醉倒酒家樓狂叫一石復一斗天下酒樓原無盡先生一醉名遂定其他吟興偶到者山川亦與生輝也漢安白水東城東先生吐氣光熊匕落月猶疑照顏色多少蛟龍吞不得登樓仰止感馨香名流勝地皆尋常作詩尙有杜工部相士誰若郭汾陽當時若無公巨眼安得天旋地轉承匕繼匕賡有唐於今騎鯨天外走落日浮雲幾揮手誰謂一拳椎碎黃鶴樓吟魂不向此

中留吁嗟乎我有斗酒爲公藏願公乘興一回翔樓頭醉月飛霞觴詩源細匕爲我商公固詩之聖我亦酒之狂無今無古兩相忘乾坤收拾付詩囊庶不致樓臺風月黯無光詩奴酒鬼濫登場公其飄然下大荒

過湯陰縣

熊飛

血透征袍淚滿襟蒙塵無自返徽欽戴天不共仇甘忍割地求和寇轉深縱使千秋長鑄鐵何如三日許平金知公地下隨留守泣向青城瀝此心

中原百戰此回戈究竟阿誰主議和車駕倘教巡北狩將軍應許渡黃河閣中卿相謀如許闔外孤臣喚奈何我亦樂爲尊者諱手將長脚且摩挲

留別士民

徐灼

一年鞅掌屢臨戎膽裂妖雲十面攻來值上游新縱虎去憐中澤舊嗷鴻瘡痍莫挽頽波駛感慨徒傷宦海窮風日城頭容坐嘯唾壺敲碎劍花紅

留別士民

張兆蘭

匆匆捧檄出江平政簡民淳強自安敢擬此心同白

內江縣志

卷之十四

藝文

三

水古中川亦號白水深慙父老說清官蒼生有幸三田足是年

多旱惟境得雨較足素願真期半壁完南城坍塌議修未果惆悵來遲偏

速別且留鴻爪待重看

築寨行

邑令

陸爲棻

碧梧草堂詩集待梓

千夫錚錚環築堵萬夫汲汲爭鋤土爰天六月不知暑頭背淋漓汗如雨老者提漿少者煮婦女三兩各炊黍我行日擊慘於睹問此何爲爲此舉詎恐伏莽或予侮抑懼流賊思所禦片言微中洞肺腑欲答不答半吞吐始云客子尊如父竊願縷縷爲君數賊雖

殃我猶可拒兵時虐我直同虜避兵轉較避賊苦築
此聊以固吾圉况兵去來猛於虎田廬盡炬子女擄
頻年奔竄如飢鼠傷哉此情向誰語願君稍住吾語
汝前途慎勿與兵處

賀劉霞仙方伯出師討賊擒渠李逆奏凱還成

都 七律四章

邑令 陸爲棻

一朶紅雲捧日來蠶叢妖祲豁然開秀才憂樂關天

下劉以諸生驟當大羽扇風流想將材時有賽諸擒

賊擒王天討定破斯破斧我公回春農從此鎔鞍甲

內江縣志

卷之十四

藝文

三

赫赫膚功燦上臺

老范胸中百萬兵何堪小醜竟縱橫櫓槍迅掃戈爭
倒帷幄潛籌闡不驚屏翰更遺西蜀福公忠翻令兩
湖傾中興試問諸名碩如許勲庸孰與京

將軍飛降九重天一路鏡歌奏凱旋丞相渡瀘猶七
縱姬公零雨尙三年殲渠那許期朝食計日偏能搗
賊堅莫訝狂呼賽諸葛神機端的古無前

攬轡澄清迥不倫服官猶是讀書真岷峨自此銷兵
氣崧嶽同聲頌降神一代殊猷歸大雅兩間元氣在

斯人頻年我亦勞王事願與先生步後塵

返哺歌

戒不孝也

邑令

陸爲棻

庭前有古榕巍然百尺柯中有最高枝雙鳥巢其窠
一歲一經營茅屋苦牽蘿新雛春待乳羞養疾於梭
劬勞日孔亟時復嘴摩抄風雨恐或驚覆以翼如蓑
習飛在枝頭展舞翅嗒嗒迨至羽毛豐一去不回哦
少鳥翮健舉老鳥仍舊窩年年均若此恩鬻等閒過
人言鳥返哺我見獨相訛寄語人間子白髮將奈何

蘇固安公孝行傳

王丹

公諱墉字固安睢山之裔前任劍州學政鳴嗜公次子也甫週歲過繼胞叔鳴和公以承宗祧先鳴和公生而孝友且善文賦年二十以好學卒無嗣孺人王氏勵冰霜志矢金石心立節撫孤待公如己出公亦善承母訓定省之餘勤學不倦及弱冠有聲黌序益自刻勵思以科名顯揚母德且太夫人起居飲食必親身檢點不以婢僕代稍有不洽意者輒自引咎太夫人有疾親侍床褥奉茶進藥未嘗旦夕離而其事

生母劉孺人也有異味必與太夫人分食之有異服必與太夫人分佩之雖菜羹蔬食不時出者事二老猶一人也至於生父秉鐸劍州數年之間音聞不絕及卒公爲之守制者期年而於伊父鳴和公改葬山南春露秋霜悽愴怵惕歲時拜獻俱有哀容則酬生育之恩答撫養之德公以一人而兼盡矣道光乙酉秋太夫人六旬設悅於家

聖恩下逮奉

旨建坊公於深山窮谷中求堅潔之石可以表一時而垂

萬世者物色數年了無當意適友人經屏山地與公云有清白石堅固不磨可爲太夫人坊特水道紆徐非數千金不能畢乃事也非重義輕利者不能預是謀也公聞之惕然滿志遂鳩工命匠親往屏山簡練揣摩經營慘淡規模粗具乃造巨舟數行游泳而歸苦心孤詣結構磨礪歷三載而坊始落成往來觀之者咸以爲此坊之石甲於西川公之孝思太夫人之節烈當與石並垂不朽矣公年八十四卒子若孫皆列膠庠蒸蒸日上或亦爲孝思之食報也云爾

黃樂山先生壽序

張德元

恭祝

勅授修職郎樂山黃老夫子大人九秩上壽

辛酉歲我

樂山先生以五世同堂經邑侯詳請

旌表奉到 部文由內閣抄出欽奉

諭旨賞銀兩及粧花緞並

恩賜壽世禎祥四字准予建坊斯時也彩煥門庭榮邀綽

楔朱提之賚出自

內江縣志

卷之十四

藝文

三六

天家華袞之衰逾於仕路可不謂德門甚盛事哉且是年

先生年近大耋矣秩晉九旬葉敷五代子若孫賢且孝

曾元濟濟一時客之捧觴上壽者咸擬作為詩歌以

光屏幃文孫峙三體

先生意不欲效世俗故套借

銜於顯宦假筆於名公殆懼詞章粉飾真修轉從而

掩也顧謂元日子事

先生久知

先生深必能去

虛文徵實行盡一言以侑爵乎

元

曰唯唯否否

先

生之嘉言懿行

元

祇承有年矣其文章之醞釀緯史

經經上規漢晉洵足登唐宋八家之堂而躋其蔽非

尋行數墨以爲言也其品詣則握珠抱玉內篤實而
外輝光周規折矩有古大儒風又非隨波逐靡以爲
行也亦步亦趨是則是倣此元之所及知者至於德
性之邃深天懷之浩蕩參陰陽之奧而契其真葆天
地之和而集其福淵淵乎功深養粹其殆周茂叔之
光風霽月乎此豈後生小子所得窺其底蘊者元又
何從稱道之雖然言元之所能知其不能知者則
先生自知之也 先生家世及生平閱歷昔者竊聞
之矣 先生制行超然又竊心慕焉 先生原籍閩

之長汀邑固望族也 祖仕鴻公隨兩兄奉先人骸
骨入川安厝內江遂家焉 父應第公太學生性剛
方言笑不苟平居掃地焚香皎如也好讀書不圖仕
進年六十捐館舍時 先生尙幼旣無伯叔終鮮兄
弟經營喪葬盡禮盡哀如成人然 嫡母陳太孺人
無出 先生乃 廖太孺人所生也性至孝家政悉
母命是遵出告反面循循維謹偶有疾親侍湯藥從
不假手家人膝下依依雖出就外傳亦不敢遠離
太孺人教子嚴讀書有暇只令學琴以其能收放心

也是母是子不信然耶 先生重義氣遇有困乏者輒周之時族人貧甚 先生令將祖遺公地出售悉予之無所分其他濟急扶危隨時隨事行之而未嘗有德色凡人與之不吝或取之不廉 先生潔清白好昔年應聘官署課讀殷殷絕口不談詞訟有昏夜以金請託者卻之不受凜然四知之楊震焉 先生以嘉慶丁巳入芹宮戊辰食餼道光戊子貢明經註選訓導計赴秋闈凡十五次屢薦未售舌耕六十年其間主講漢安華粵兩書院幾二十載口講指畫雖寒暑無倦從其門者前後數百人登科選拔及博士弟子員多矣精易理刊有周易集要行世續修內江縣志 先生之筆削居多邑中重修學宮增修城垣建立節孝總坊並修邑東大路皆 先生倡首經理此亦發潛闡幽利人濟物之一端乎家訓以忠厚爲本嘗謂喫得虧的卽是好人以故有橫逆來皆情恕理遣前後數代並無詞訟到公堂語云德者福之徵先生德厚如此宜其厚福永膺大年克享也 元配廖孺人無出 繼配張孺人性溫恭可稱賢內助生子

寶書長於古文詞試輒前茅而場屋終躋常以琴書
自娛孫五長峙三邑庠生卓有文名曾孫十三元孫
二英英競爽繼起有人將來科第蟬聯可拭目俟耳
先生以乾隆癸巳年五月誕生僂指於今蓋九十也耳
目聰明精神矍鑠視秦博士伏生之口授殆有過之
書所謂身其康強子孫其逢吉者非歟 先生抱負
非常向使蚤歲服官出其經綸以勸相國家贊絲綸
光黼黻駿業鴻章自當卓然千古而乃林泉晦采作
陸地神仙之位置 先生蓋以清福畀之也方今
內江縣志 卷之十四 藝文 三十九
聖天子在位養老尊賢
恩周寰宇將見安車蒲輪如迎申公故事則扶杖而往禮
重上庠僉謂是魯靈光之巋然存也豈不誠
熙朝人瑞哉 元不文謹以此爲 先生壽 先生聞之當
亦爲之拈髭一笑也

曾簡齋先生壽序

黃覺

會生德安從予遊甲寅秋以家大伯簡齋公壽七秩
問予云伯垂髫棄學卽經營家業克儉克勤至老不
輟姪輩孤苦成立荷其訓養惟所禱者壽耳時桂醕
菊釀秋熟甕頭邀我伯二三執友杯酒談心姪輩捧
觴侍客醉舞婆娑書叶而康詩歌旣醉俾栖栖桑榆
得介南山松栢之壽云爾請先生爲我伯祝予學謏
陋拙於詩又不能文當茲壽域長開壽星南下壽幀
結彩壽字嵌珠若爲之餐仙花覓瑤草養丹砂卜青

鳥禱八百歲之再逢頌三千椿於不老此愛博嗜奇
之士摹烏有子虛於神山海島予之所以祝公不爾
也公勝下孫明齋從學有年遊泮後嘗過其家數晨
夕得聆言論風采從此枌社往來酬洽甚密公魁偉
岸異豐準長髯兩目炯炯神光射人眉髮皓白而厲
如婦人好女居家嚴肅內外劃然入其庭總角輩進
退揖讓亦循循有規矩飲食儉於自奉而燕客殊優
其爲人深樸少言嗜史籍日課農桑外一卷呬唔孜
孜不休遇村學坐談古今治亂賢豪出處之節精神

颯爽論說馳逞亦能吐人所未發性友愛撫視大小
子姪輩過於所生禮接塾師脯資倍餼倍尋常族中
貧窘子弟能好學者分潤之使得抒其寒穉之志闔
闔中有善權子母予多金不問出入因得識消息盈
虛獲倍蓰利以成家置業者不乏人夫勤以媒福儉
以養和凡知爲子孫計者好爲之不必爲公貴也如
公之處家持己友愛一堂不獨足以維持人心風俗
於一鄉也能友者必孝孝者必仁仁者壽此必然之
理也里有姜詩王烈盜賊不入其鄉今西北屢有萑
苻警而吾鄉晏然入桃源忘甲子逢絳縣算亥字吾
願隨諸君子先後捧觴而告以公之有造於吾鄉也
海屋添籌瓊宮註籍亦何足云

重修東林寺碑記

庚午歲 晏思洛
進士

東林爲縣十二景之一自宋迄今已近千年而其名不廢且其棟宇之崇宏丹青之煥發轉視昔而倍盛者匪啻其地之勝與神之靈抑其作述有人後先濟美之力也考之古志是寺創自宋紹興而其人失傳越明萬曆邑人運使王三錫同知梁宏化先後補修迄獻賊蹂躪漢安昔之顰飛鳥革曲洞迴廊金碧交輝者已付之濃煙烈炬中矣

內江縣志

卷之十四

藝文

三

國朝定鼎海宇肅清凡諸古蹟無不修舉矧斯寺之附近城垣與桂湖聖水而媲美者哉故一建於康熙續修於乾隆惜其爲日久而風蝕日剝又不殖而將落也夫名山勝地古刹仙蹤非有前賢之蓋造往哲之留題則其盛或不傳卽傳而不久卽其久而荒廢非有大力者爲之慷慨而奮興好施而樂濟其盛亦不復自明兵燹以來頽垣廢址如此者曷可勝道也東林幸與禹廟連毗而其地卽楚省地邑人羅君灤泉張君映芝蕭君晉書羅君森發羅君才驤范君基熾等楚之翹也去秋倡議願將禹廟餘息爲修復計而

樂善之士不募而欣助之於是經始於冬孟而告成於夏初凡六閱月而功畢總計用錢四千貫有奇蕭君蘭亭延余瞻仰且囑予記其事予視其神爲大士爲十八阿羅爲百千萬億佛莫不因巖肖像截石爲臺固一南海普陀也其構造之善裝塑之嚴視昔而十倍焉因不禁躍然曰此地之勝神之靈實諸君濟美之力也不與桂湖聖水同爲吾邑之光哉故不辭而爲記

喻烈婦傳

敖册賢

烈婦周氏資陽人王六泉太守外曾孫女也年二十
二歸喻鳴皋鳴皋素貧父母早世僅遺一弟尙幼硯
耕瞻家婦以縫紉佐之未一年鳴皋以瘵卒權厝淺
土中婦泣然曰夫死矣無子無女無衣無食未亡人
將焉婦盍從死地下乎繼以夫未葬叔幼不敢死往
依母家煢煢一身仰十指給朝夕如是者數年叔既
長謀食於外呼之歸僦屋景坡樓上居焉居久之謂
叔曰若兄歿今十年矣當歸骨先人坐遺命不可忘

內江縣志

卷之十四

四

也費不足請典簪珥衣被益之葬曰婦哀慟聞者感
泣後三日至家具酒與叔飲且泣以立志爲人娶婦
延宗祧一綫相屬酒酣入室久不出叔入趣之已服
毒變色不能言因大號同居之人急趨往百救莫解
旋卒時光緒七年閏七月二十六日也年三十有二
當送葬時語人曰夫歸吾亦將歸矣人詰之曰叔長
矣娶婦生子立嗣在叔耳吾待之十年今不能待矣
平生神倦貪眠未死前月餘忽不喜寐促之寢未安
枕起坐床上口喃喃嚶語不休同眠者問之曰喻先

生迎我矣吾與喻先生言耳喻先生謂其夫也生平
性和易工女紅姻戚閨闈中爭延致之如恐其速去
者王賓予主簿婦之表叔父也婦嘗主其家家有椿
棺芬氣四溢婦屢索之曰盍畀我人笑之既死賓于
父雲阿先生舉以歛之先生取予不苟者人以為有
季子挂劔風教册賢曰嗚呼烈婦雖死於十年後而
其心之許夫子以死者久矣其從容就義者乎謝文
節云慷慨赴死易雍容就義難士大夫讀書知大義
尚難言之况婦女哉吾家烈女未嫁殉夫死亦六泉
公外元孫女也其與烈婦可謂雙絕毋亦為外家成
此宅相耶

藝文

太白樓賦

張兆蘭

蜀江之源匡山之左有太白樓焉蓋長庚哉生之所也蜀道之西播州之墟有太白樓焉是乃遷客投裔之區也爾乃祖帳東門倚襟北郭對水白兮山青帳浮雲兮日落此非金卿飲餞之鄉而謫仙畱別之作乎鴻泥偶印驪唱消魂何萍踪之已杳猶辨祝之常存伊茲樓之矗立接層霄其如捫於焉眺陔請申其

論思夫江漢炳靈星辰上應傳說托箕尾之間蕭何由昴精而孕天骨開張縉藻豐潤用能騁妍詞發逸興睥睨八鴻振衣千仞言試萬而日新影招三而月印管城花艷夢寐生春佞盧宇奇窮荒聳聽固宜潤色皇猷翊扶景運者矣且其自署壯夫委身國士鈞鰲海上之洲走馬長安之市遇荊州而赤心推識汾陽而青眼拭遍于諸侯不趨權勢斯又非僅以才華鳴而實具有粵俠氣者也而乃文章憎命造物忌才世人欲殺天道莫猜擲龍泉而不躍甘駿骨其長埋

華陰道中騎驢因而受侮沉香亭畔飛燕遂構禍胎
骨立一身夜郎千里犵鳥蠻花盲風怪雨魂來而蛟
龍爭人過而魑魅喜遂令結綠襲珍依紅無主遊戲
醉鄉翱翔藝圃三生金粟濁世誰知千尺桃花春情
孰語徘徊謝家之山沉淪采石之渚况夫鯨頭騎去
半舌飄零流落明月太白之子名明月奴僅剩孤星呵楚壁而
莫問弔湘水其不靈夫何國香之稱瑞兮今直萎此
荆榛也豈黔羸之難測捫大造之無情也然而神化
丹青高山景仰播芳蕤於八殞閱胸臆而不爽惟斯
樓之傑出兮瞰長江之如練繞城郭之萬家兮展畫
圖之一片惟斯人其不朽兮駕鸞鶴於霄漢酌椒飴
而薦之儼英靈之來見敷丹荔以雜陳唱大招而長
嘆歌曰江樓千古壓江濱江草江花歲歲新屈指二
千年內數乾坤容得幾詩人又歌曰宮袍何處尋登
眺酒頻斟怕被先生笑詩成不敢吟謠聲乍闕江月
漸上四顧茫然吾將焉杖

祥異

孔子作春秋不著祥瑞而災異必書所以杜諂諛示
修省其旨深矣然天降甘露地出醴泉與夫鳳凰儀
庭嘉禾異畝要亦至治之感召安得謂禳祥之說儒
者弗道歟故珠連璧合著美中天水患旱災無妨盛
世而休徵咎徵洪範所由脩著其應也內邑葦爾彈
丸其二氣五行之微間出於非常者雖同異各殊要
先後可舉脩以書之亦以見天時人事捷于影響而
和氣致祥宜官民交勵也作祥異志

內江縣志

卷之十四

祥異

四

漢高祖三年秋太白出西方有光數重

文帝元年秋九月有星孛于西方

景帝二年冬十二月有星孛于西南

景帝三年春正月長星出于西方

武帝元封元年五月有星孛于東井

昭帝元平元年春三月有流星大如月衆星皆隨

宣帝地節元年春有星孛于西方去太白二丈

成帝元延元年秋七月有星孛于東井

哀帝建平四年冬十二月白氣出西南從地上至天

出參下貫天厠廣如疋布長十許丈十餘日方隱
章帝時甘露降

齊武帝永明六年熒惑逆行入于太微

陳文帝天嘉元年秋九月慧星見長四丈芒指西南

唐高祖武德元年慧星見于五車

中宗文明元年秋七月慧星見于西方長丈餘

武宗會昌四年春正月西方見白虹

宣宗大中二年慧星出于觜參

懿宗咸通元年秋七月日虹橫亘西方

內江縣志

卷之十四

祥異

三

後晉高祖天福六年秋九月慧出西方掃天市垣長丈餘

前蜀王建武成元年慧星見于鬼長丈餘

後蜀孟昶廣政二年太白晝見

宋太祖乾德二年秋七月己卯朔夜西方起蒼白氣長

五丈貫天船五車參宿

太宗淳化元年十二月流星出天闕歷東井至大角

墜地光芒四照有聲

真宗大中祥符四年秋七月地震天禧四年乙酉西

南方兩月重出五年秋八月歲大稔

英宗治平四年慧星見西方

神宗熙寧五年有星行至參旗而沒青白色有尾

哲宗紹聖元年秋九月星出參至天蒼沒四年三月有蒼白色異雲長三丈餘貫東井久之乃散

徽宗崇寧五年春正月慧出西方

大觀元年春二月星出參如栝急流至西南而沒

欽宗靖康二年春正月丁丑夜赤白氣起西方

高宗紹興十五年夏四月丙申慧見參度

寧宗嘉定九年春二月地震

內江縣志

卷之十四

祥異

三

文宗天歷二年太白經天

度宗咸淳元年地震熒惑入南斗五十餘日

元順帝至正十一年有星孛于西方二十二年秋七月

熒惑見西方白氣如長蛇橫亘中天終元世地震無

數不脩載

明太祖洪武十一年大旱

成祖永樂六年秋八月有星大如盞色青白有光出西方

憲宗成化二十一年春正月朔有火自中天西墜復

化白氣上騰有聲西方有大星蛇形赤色聲如雷震

天順二年夏大水沒民出舍

天順四年夏大水入城東門內小舟可通

孝宗弘治元年雨糝若馬鬃然白緇色落土後隨化地

生白毛是年旱二年復大旱餓莩布野

武宗正德癸酉年邑石子里民駱松祥胡小兒越城

劫獄縱囚焚官文書邑令屈公促民壯堵禦賊奔雞

龍山鼓衆結寨四出剽劫分巡程公瑞承檄至嚴城

守飭器械調仁壽資簡鄉兵赴石子營懸重賞以激

勵士卒疊榜諭以散脅從省兵繼至不數日元惡就擒

內江縣志

卷之十四

禮典

五

正德十八年彩雲見

世宗嘉靖七年丁亥夏秋大旱八年戊子春大饑大

疫孳者甚衆

嘉靖庚寅年妖人蔡伯貫卒起大足隍州縣七城署

縣事通判崔翰與合邑薦紳出奇策張聲援防遏之

全境安堵賊亦尋就擒

嘉靖十一年壬辰秋八月慧星見東井芒長丈餘掃

大微垣及角宿天門凡一百十有五日乃滅邑人編

修揚各應詔上疏見藝文

嘉靖十五年丙申二月地震

嘉靖十八年己亥三月雨膏是年五色雲見

嘉靖十九年庚子秋八月不雨至於辛丑夏四月

嘉靖二十一年壬寅閏五月河水大漲入城較天順

四年高五尺民舍禾稼滄沒

嘉靖二十四年乙巳秋七月不雨至於丙午夏六月

旱熯之甚千餘里皆赤地加以病疫大作人民凋敝

流亡過半

穆宗隆慶二十六年丁未夏六月大水較嘉靖二十一

內江縣志

卷之四

祥異

五

年低二尺沿江禾稼大害

神宗萬曆八年冬十一月慧星見西方長數十丈經

月乃散

萬曆二十一年癸巳正月大雪七日是年旱邑侯李

發倉賑貸

萬曆二十六年戊戌春三月疫癘盛行人民死者甚

家邑侯楊捐俸施藥救濟夏五月大水泛漲有硝黃

氣河魚浮没人可手取

萬曆三十年壬寅夏六月淫雨河水滄入城內

萬曆三十七年巳酉大旱民荒三十八年庚戌復大旱全邑無收穫赤地千里民間饑死流離載道城野半空發帑銀三百兩賑恤又發倉煮粥施濟

萬曆四十六年戊午三月十六日小十字街民家火起延燒數百家縣堂衙舍房科俱燬邑侯劉捐俸重修見公署志是年九月十七日夜子時地大震有聲如雷房屋盡皆搖動連三日如其震

熹宗天啟元年九月十七日土官奢寅叛圍成都着偽職米武揭登榮等竊據邑城至二年二月初二日

內江縣志

卷之古

祥異

三

官兵追殺賊縱火焚倉庫官署民房大擄掠而去

懷宗崇禎四年閏十月二十九日辰刻地震有聲如雷連動三日

崇禎十七年甲申日中有赤氣數道下寬上銳自東指西是年七月張獻忠入川殺戮邑民幾盡

戊子年大荒邑中避難者人相食是年瘟疫大作人皆徙散百里無烟

國朝順治六年秋七月朔七日一月一星以次順行至晚乃沒

順治十四年春三月地震

康熙三年冬慧星見長丈餘自翼軫經東井止于婁
歷十五宿而隱

康熙七年春有白氣自西方亘數十丈下銳上濶光
如銀形如竹箒凡兩夜始散

康熙十九年歲大熟二十年歲大熟斗米百錢三十
一年河水泛漲損民居傷禾稼三十四年大有年

雍正元年歲大稔八年六月朔日食

乾隆十有三年秋七月癸未日食

內江縣志

卷之十四

祥異

五

乾隆甲子年七月連日大雨河水滙入城內

乾隆二十年春二月朔日食不見二十五年夏五月

朔日食

乾隆三十年乙酉饑邑西有白泥俗名觀音粉貧民
採食焉

乾隆三十一年丙戌大有年至三十七年歲皆大熟

乾隆三十九年甲午春二月朔日食不見
八月壬午朔日再食

乾隆四十四年庚子大水傷民禾稼次年辛丑復大

水較甲子年低二尺

乾隆五十一年丙午五月初六日午刻地震有聲如雷房屋有傾圮次日亦震同時雅黎山傾塞河至十四日水湧河決嘉叙沿岸漂沒人民數十萬是年四月魚疫浮水人可手取

乾隆五十三年戊申六月大水入城較前庚辛

歲高數尺

乾隆五十七年壬子六月望夜天炮響有光如電

乾隆六十年乙卯正月元旦日食十五日月食

邑自乾隆五十一年丙午至嘉慶元年丙辰歲皆大熟嘉慶二年丁巳三年戊午比歲秋旱烈日如火